

YANGI O'ZBEKISTON

Ijtimoiy-siyosiy gazeta

№ 79 (1140), 2024-yil 25-aprel, payshanba



www.yuz.uz



yuz.uznews



yuz_official



yuz.uz_news



yuz



Yangi O'zbekiston ruhi

DAVLAT BOSHQARUVIDAGI ISLOHOTLAR

yuksalishlarning bosh mezoniga aylanmoqda

Keyingi o'n yillikda dunyo tahlikali rivojlanish pallasiga kirib bormoqda. Xom-ashyo, texnologiya, professional ishchi kuchi va kapital bozorlarida, tovarlar eksporti va transport koridorlarida, xalqaro kooperatsiya va integratsiya zanjirida misli ko'rilmagan siyosiy taranglik kuzatilmogda.

Jahon siyosati va iqtisodiyotining global ishtirokchilari xalqaro munosabatlarning an'anaviy uslub va tamoyillaridan chetlanib, milliy manfaatlarini ilgari surishning murosasiz yo'lga o'tib olmoqda. Bu esa ilg'or iqtisodiy taraqqiyot trayektoriyasiga chiqib olgan O'zbekistonda dinamik rivojlanayotgan davlatlardan global raqobatda samarali ishtirok etish va o'ziga munosib o'rinda ega bo'lishning eng zamonaviy va kreativ drayverlarini izlab topishni talab etyapti.

Yangi O'zbekiston davlat boshqaruvi tizimi mana shunday strategik noaniqlik va global voqealik sharoitida milliy taraqqiyotning 2030-yilgacha bo'lgan davrni qamrab olgan maqsad va marralarni ishlab chiqib, tobora ildamlamoqda.

Dunyoda kechayotgan chuqur transformatsiya jarayoni har bir mamlakattan davlat siyosati va boshqaruvida samarali islohotlar o'tkazish, raqobatbardosh va izchil boshqaruv instituti sifatida faoliyat yuritish, shuningdek, davlat xizmatchilarining kasbiga sadoqatli, zamonaviy professional bilim va malakaga ega bo'lishini hamda faoliyatida yuqori natijaga erishishini taqozo qilmoqda.

O'zbekistondagi davlat siyosatining pirovard maqsadi islohotlarning har bir mahalla, xonadon va fuqaro hayotida, xalq farovonligi va orzu-umidlari ushulishida aks etishiga qaratilgan. Buning natijasida xalq davlatdan rozi bo'ladi va uning siyosatini qo'llab-quvvatlaydi.

Davomi 3-beta

UYG'UQ FIKR

FAOL HARAKAT VA DAXLDORLIK HISSI

Bugun jamiyatimizga ma'rifatlilik, barkamol, kelajakni ishonch bilan topshirish mumkin bo'lgan, o'z zakosi ila dunyoni boshqarish salohiyatiga ega yoshlar kerak. Shunday ekan, o'zini mamlakat taraqqiyotiga daxldor deb bilgan har bir kishi kuchli mafkuraga suyanib ish ko'rishi davr talabidir. Insonning yashayotgani, borliqda mavjudligi uning ruhidan, harakatidan, ong-u tafakkuridan, amallaridan anglanadi. Mafkura esa shu ruhni tiriklik suvi bilan sug'organ holda insoniylik mohiyatini belgilab beradi.

Xalqimiz uzoq yillar milliy mafkura qudratini anglamay yashagan paytlar ham bo'ldi. Asl birlamlik, barhayot kuch va salohiyatni namoyon etuvchi milliy g'oyalimiz faqat balandparvoz shiorlar-u hayriyalar sohasiga berkindi. Ammo xalq irodasi bukmadi. Bugun milliy yakdillik, birlamlik bilan yangi O'zbekistonni qurayotgan xalqning tafakkuri ham, mafkurasi ham yangicha.

Dunyo turli mafkuraviy tahdidlar, axborot xurujlari girdobiga tushib qolayotgan ayni paytda yurtimizning ochiq, pragmatik, konstruktiv ruhdagi keng ko'lami ichki va tashqi siyosati mavjud murakkab muammolarni ijobiy hal qilish, qo'shni va uzoq xorij mamlakatlari o'rtasidagi xavfsiz savdo-sotiq, bordi-keldi masalalarini diplomatik yechishda samarali rol o'ynamoqda.

Prezidentimizning Tojikistonga davlat tashrifi nafaqat shu mamlakat, balki Markaziy Osiyoning boshqa davlatlari bilan do'stlik, yaxshi qo'shniçilik, strategik hamkorlik va ittifoqchilik munosabatlarini yanada



rivojlantirishning amaldagi ifodasi bo'ldi. Fan, ta'lim, madaniyat sohasidagi integratsiyalashuv, mintaqaviy, xalqaro munosabatlardagi o'zaro iqtisodiy sheriklik masalalari bugun yangi bosqichga ko'tarilmogda. Bu esa xalqlarimizda shakllangan birlamlik ruhi mustahkamlanishiga, milliy san'at targ'iboti ravnaqiga xizmat qilishi shubhasiz.

Hayotning o'zi O'zbekiston tanlagan yo'lining to'g'riligini ko'rsatmoqda. Yangi jamiyatning taqdiri, millatning kelajagi yurtimizda istiqomat qilayotgan 130 dan ortiq millat va elat vakillarining ahil-inoqligiga bog'liq, bir maqsad yo'lida "Shu aziz Vatan — barchamizniki", deya fidoyilik qilish mamlakatda yuritilayotgan siyosatning xalqchil va adolatli ekanidan dalolat.

O'zbekiston o'z oldiga eng yuksak, o'ta mas'uliyatli vazifalarni qo'yib, ularni baja-

rish faqat o'zimizning qo'limizda ekani, hech kim tashqaridan kelib muammolarimizni hal etib bermasligi ham bugun kundek ravshan. Buni teranroq his qilish esa odamlarda ijtimoiy faollik, mamlakat taqdiriga daxldorlik tuyg'usini kuchaytiradi.

Milliy o'zlikni anglash jarayoni osonlikcha kechgani yo'q. Bu jarayon eski tuzum tamomila vayron bo'lgan, yangi, yosh jamiyat esa endi-endi oyoqqa turayotgan, uning ijtimoiy munosabatlari asta-sekin qaror topayotgan bir paytga to'g'ri keldi.

O'tgan hafta mushtarak tarixiy meros, ma'naviy qadriyat va an'analarimizni asrab-avaylash va targ'ib qilish bo'yicha samarali faoliyati, shuningdek, birodar xalqlarimiz o'rtasidagi do'stlik rishtalarini mustahkamlashga qo'shgan munosib hissasi uchun O'zbekiston va tojikistonlik bir guruh

madaniyat va san'at arboblari qatorida menga ham faxriy unvon berildi. O'sha lahzalarda yuqoridagi mulohazalar xayolimdanda o'tdi.

Men ham millionlab yurtdoshlarim qatori o'z farzandlarim, nabiralarim yanada farovon hayot kechirishi, tinch va osoyishta yashashini istayman hamda shu maqsad yo'lida bor kuchimni safarbar etishga tayyorman. Bag'rikeng, mehr-oqibatli, sabr-qanoatli xalqimizning bugungi shiddati, azmu qarori, yanada yorug', tarovatli kunlarga ishonchi susaymasin, bunyodkorlik va yaratuvchanlik ishlarimizga Yaratganning o'zi madadkor bo'lsin.

Munajat YO'LCHIYeva,
O'zbekiston Qahramoni,
O'zbekiston xalq artisti,
Tojikiston xalq hofizi

KUN NAFASI



XORIJIY G'O'ZA NAVLARI

PAXTACHILIKDA YUQORI MARRALARGA ERISHISHDA QO'L KELADI



"O'zagroinspeksiya" axborot xizmatining xabar berishicha, bu yilgi hosil uchun 1 million gektarda chigiti ekish rejalashtirilgan. Buning uchun 50 ming tonna urug'lik chigiti talab etiladi. G'o'zaning iqlim sharoitiga mos 22 ta ertapishar, 3 ta o'rtapishar, 4 ta ingichka tolali hamda 24 istiqbolli va yangi navini ekish mo'ljallangan.

"O'zbekiston — 2030" strategiyasida paxta va g'alla hosildorligini oshirish, jumladan, paxta hosilini o'rtacha 45-50 sentnerga, g'alla bo'yicha 80-100 sentnerga yetkazish maqsad qilingan. Buning uchun xorijdan hosildorligi yuqori urug'lik olib kirishga ruxsat berish, paxtada 5 ta va g'allada 8 ta yangi tepshar, serhosil navni tanlash va joylashtirish, tanlab olingan navlar maydonini har yili kamida 10 foiz kengaytirib borish, zamonaviy resurs tejamkor texnologiyalarni paxta va g'alla maydonlarining 40-50 foizida joriy etish vazifasi qo'yilgan.

O'tgan yili sohada ishlab chiqarish 4,1 foiz o'sib, 426 trillion so'mni tashkil qildi, — deydi qishloq xo'jaligi fanlari doktori, professor Odiljon Ibrohimov. — Eksport esa qariyb 2 milliard dollarga yetdi. Ilk bor 3 million 700 ming tonna paxta, 8 million tonna g'alla hosili olindi. Bunday raqamlar yaqin tariximizda hech qachon bo'lmagan.

Prezidentimiz raisligida shu yil 12-fevral kuni o'tkazilgan videoselektor yig'ilishida yer va suv resurslari cheklangan sharoitda qishloq xo'jaligi mas'ullari joriy yilda mutlaqo yangicha ishlab chiqarishni ta'kidlandi.

Masalan, yurtimizda bir gektar maydondan olinadigan o'rtacha hosil ilg'or mamlakatlardagiga qaraganda kam. Lekin o'g'it ham, yoqilg'i ham, suv ham ikki karra ko'p ishlatiladi.

Davomi 4-beta

Dolzarb mavzu

MILLIY KONTENT nima uchun kerak?

YOXUD MAQSAD — HUDUDLARNI EMAS, ONGNI EGALLASH

Yaqinda o'tgan asrning 40-yillari oxirida suratga olingan filmdan lavha ko'rib qoldim. Unda bir dasturxon atrofida millatimiz vakillari, asosiy qismi qizlar bo'lgan davrada hamma pivo ichib o'tiribdi. Hattoki qiz bitta pivoni qo'lga olib, ikkinchisini otasiga uzatyapti. Bu lavha diyorimizdagi xuddi odatdagi hayotiy voqealar singari aks ettirilgan.

Aslida, bu holni o'sha davrning majburiy singdirilgan mafkurasi, deb qabul qilish mumkin. Ammo ijtimoiy tarmoqlar orqali bugun o'zbek auditoriyasiga berilayotgan manzarani nima deb atash mumkinligini ham bilmaysan kishi.

Birgina "Tik-tok" bugun deyarli aksariyat foydalanuvchilarning sevimli tarmog'iga aylangan

ulgurdi. Unda berilayotgan lavhalar (eng qizig'i, o'zbeklar tomonidan o'zbek tilida ijro etiladigan) tarmoq iste'molchilarining hammasini o'ziga rom etib bo'ldi. Afsuski, bizga yur mafkuralar turli usullarda yopirilib kirib kelmoqda, desak mubolag'a bo'lmaydi...

Davomi 5-beta

Yulduzlar mangu yonadi



San'at osmonidagi boqiy afsona 6

2024-yil 25-aprel, 79-son

news yuz_official yuz.uz_news yuz

Kun nafasi



Abdurauf QORJOV, sharhlovchi

Boshlanishi 1-betda

Bu yildan ilk bor chetdan olib kelingan chigitni ekishga ruxsat berildi. Lekin shu paytgacha Prezident huzuridagi Paxtachilik kengashi, O'simliklar karantini va himoyasi agentligi, viloyat hokimlari bir to'xtamga kelib, qayerdan, qanday navli urug' olib kelib, qayerga ekishni hal qilmagani ko'rsatib o'tildi.

Davlatimiz rahbarining 2023-yil 15-dekabrda "Paxtachilikda urug'chilik tizimini rivojlantirish hamda paxta hosildorligini oshirishning qo'shimcha chora-tadbirlari to'g'risida"gi qarori bilan tajriba-sinov tariqasida yuqori hosildor xorijiy g'o'za navlari va duragaylarini olib kirish hamda paxta-to'qimachilik klasterlari va fermer xo'jaliklari tasarrufidagi paxta ekiladigan maydonlarning 10 foizigacha joylashtirishga istisno tariqasida ruxsat berilgan edi.

Qolaversa, belgilangan talabga ko'ra, xorijdan keltirilgan g'o'za urug'larining genetik tozaligini molekulyar-genetik tahlil qilish bo'yicha mahalliy vakolatli laboratoriyalar xulosasi olinadi hamda kichik import qilnadigan g'o'za urug'larining ekiboplik sifat ko'rsatkichlari baholalanadi.

Avvallari bir navni katta maydonlarga ekib, parvarishlab, hosilga kirgach, unga baho berardik, — deydi Oliy ta'lim, fan va

innovatsiyalar vazirligi boshqarma boshlig'i o'rinbosari Aktam Daliyev. — Yaxshi yoki yomon ko'rsatkichga erishganimizni bilish uzoq vaqtni talab qilardi. Ayni paytda esa ilg'or texnologiyalar, xususan, molekulyar markerlar o'simliklarning muayyan xususiyatlarini ekin yetilguncha qadar aniqlash imkonini berdi.

Fanlar akademiyasining Genomika va bioinformatika markazi olimlari tomonidan molekulyar markerlar yordamida qisqa muddatlarda g'o'zaning tola sifati yuqori va katta agronomik imkoniyatlarga ega ikkita yangi navi yaratildi.

Shunday ekan, savol tug'ilishi tabiiy: aslini olganda, xorijiy g'o'za navlarini olib kelib ekishdan asosiy maqsad nima? — Bunda paxtachilikda zamonaviy samarador agroteknologiyalarni qo'llash va urug'chilik tizimiga erkin bozor mexanizmlarini joriy etish orqali hosildorlikni keskin oshirish, paxta xomashyosini yetishtirishda ilmiy-innovatsion yondashuvlarni tatbiq etishni kengaytirish niyat qilinyapti, — deydi Aktam Daliyev.

O'tgan hafta Sirdaryo viloyatining Sayxunobod tumanida ushbu yumushning bajarilishi jarayoni o'rganildi. Aksariyat maydonlarda nihollar tekis unib chiqqan. Ayrim fermer xo'jaliklarida g'o'za qator orasiga kultivatorlar yordamida ishlov berilmoqda.

"Polutex Sirdaryo" MCHJga qarashli 30 gektar maydonda Xitoydan keltirilgan urug'lik chigit ekilyapti. Bu "Bullguard 11" navi bo'lib, undan gektariga kamida 50 sentnerdan hosil olish ko'zlanayapti.



160 dan ziyod bo'lgani holda, global iqlim o'zgarishlari sharoitida suv ta'minoti og'ir, ball boniteti past maydonlarda yetishtirishga mos, yuqori harorat, gamsel, suv tanqisligi, tuproq sho'rlanishiga bardoshli, sanoatbo'p bo'lishi zarur.

Shu bilan birga, 2024-2027-yillarda paxta navlari uchun alohida agroteknika va soddalashtirilgan karantin talablarini joriy etish, ushbu navlarni yetishtirish maxsus karantin kuzatuvda va Paxtachilik kengashi ilmiy ko'rsatmasi asosida olib borilishi belgilangan.

2024-yildan hosildorligi 30 sentnerdan past navlar muntazam aniqlanib, serhosil mahalliy va xorijiy navlarga almashtirib borish amaliyoti joriy qilinib kirishildi.

"Gedera 5", "Gedera 10" navlari Sirdaryo viloyatida tadqiqot uchun ekilgan. Lekin ularning aksariyati kutilgan natijalarni bermagan.

Bugungi iqlim o'zgarishlari sharoitida avval olib borilgan ilmiy tadqiqotlar natijalari o'rganilib ish tutilsa, xayrli va barakali bo'ladi, xorijdan keltirilgan g'o'za navlari ham ko'p yillar davomida paxtachiligimiz rivojiga xizmat qiladi.

Buning uchun bir tup g'o'za sig'adigan yer ham bo'lish qolmaydigan darajada chigit ekilib, "to'liq chatli maydon" monitoringini o'tkazish kerak. Chunki hosilni ko'chat beradi. Maydonlarda g'o'za nihollarini qiyg'os undirib, to'liq nihol olishning ayni vaqti hozir ekanini unutmashlik kerak.

Olim-mutaxassislar fikricha, quruq iqlim sharoitida yetishtiriladigan paxta dunyo miqyosida kiyim-kechakka bo'lgan ehtiyojning uchdan birga yaqinini ta'minlaydi.

Tuproqshunosik va agrokimyoviy ilmiy-tadqiqot instituti mutaxassislari tomonidan klaster vakillariga yangi narv agroteknikasi bo'yicha tavsiyalar berildi.

Albatta, xorijdan keltiriladigan g'o'za navlari xo'jalik belgilari, morfobiologik xususiyatlari, tolasining texnologik sifat ko'rsatkichlari, hasharot va kasalliklarga bardoshliligini bilan O'zbekiston g'o'za navlaridan yuqori ustunlikka ega bo'lishi zarur, — deydi professor Odiljon Brohimov.

tegishli navga hammualliflik qilishga ruxsat berildi. Bu jarayonda sertifikatlangan urug'lik tayyorlash bosqichma-bosqich klasterlar va xususiy urug'chilik korxonalariga o'tkazildi.

Davlatimiz rahbarining o'tgan yil 12-dekabrda "Qishloq xo'jaligida erkin bozor munosabatlari yanada rivojlantirishning qo'shimcha chora-tadbirlari to'g'risida"gi farmoniga asosan, 2024-yil hosildan boshlab paxta xomashyosini yetishtiruvchilar va paxta-to'qimachilik klasterlari o'rtasida munosabatlar yangi tartibda tashkil etildi.

Shartnomaning boshlang'ich qiymati Nyu-York birjasida paxta tolasining oxirgi 12 oyda o'rtacha narxiga muvofiq belgilandi, o'rtacha narxlar esa talab va taklif asosida shakllandi, — deydi birja bosh makleri Islombek Ibrohimov.

Bundan tashqari, fyuchers shartnomadan ortiqcha yetishtirilgan paxta xomashyosi yoki undan olinadigan birlamchi va ikkilamchi mahsulotlarni fermer xo'jaliklari to'g'ridan to'g'ri bitim tuzgan klasterga yoki birja orqali istalgan buyuktga sotishi mumkin.

OBOD MANZILLAR



Poyonziy kengliklar, baland-past, tosh-shag'aldan iborat maydon pilyoda yurishga ham izn bermaydi go'yo. Bahor tafti sezilib turgan bo'lsa-da, qir-adirlar orolab o'ziga xos kuch olib, yuqoridan esayotgan shamol ko'ksimizga panja urib, ortga niqtaydi.

Haqiqiy shamol tursa bormi, qochgani joy topilmay qoladi. Yozi juda issiq, qishi sovuq bo'ladi, — deydi tuman hokimining matbuot xizmati rahbari Abror Dehqonov.

Tagir tog'larga tutashib kergan ko'z ilg'amas dala-dashtlarda qush uchsa qanoti, odam yursa oyog'i kuyardi. Tepalikka ko'tarilgach, keng paykallar uzra yastanib borayotgan bog'larga havas va hayrat bilan qarayman.

Zohidonlik Qodirali Qosimov tinib-tinchimagan tashabbuskorlardan. Oliy ma'lumotli muallim. Boshqarav qatorini belgilangan dars soatini o'tib, xotirjam yursa ham bo'ladi.

Biz maktab haqida emas, balki oddiy qishloq o'qituvchisining pista va sarxil mevali bog'lar yaratish yo'lidagi izlanish va tashabbuslariga e'tibor qaratdik.

RISHTON ADIRLIKLARIDA

hayot daraxti

Uning bir tupidan 5 million so'm sof daromad olish mumkin



taratayotgan "Agro cold service drop" MCHJ yaratgan bog'lardagi ko'chatlar rivoji avjida. Gektarlar uzra ekilgan mevali bog'larning oxiri yo'qdek.

Qo'riq yerlarni o'zlashtirish oson kechgan yo'q, albatta. Bu yerda umumiy uzunligi 3 kilometrdan ortiq yo'l qurildi, 5 kilometrdan elektr simlari tortib kelindi.

Toshda gul undirib, olamga go'zallik iforini taratayotgan "Agro cold service drop" MCHJ yaratgan bog'lardagi ko'chatlar rivoji avjida. Gektarlar uzra ekilgan mevali bog'larning oxiri yo'qdek.

hissadan ortiq daromad beradi, ming yilga qadar yashaydi.

O'tgan bahor mavsumida saralab ekilgan pista ko'chatlari tup olib, bo'y cho'zmoqda. To'rt-besh yilda hosilga kiradi.

Pistachilik rivojlangan mamlakatlarda bu xo'siyatli daraxtdan ko'rilyotgan naf juda yuqori. Shu bois, uni hayot daraxtiga qiyoslashadi, — deydi "Agro cold service drop" MCHJ rahbari Qodirali Qosimov.

Uning mag'zida 60 foizgacha moy, 20 foiz oqsil, qand va boshqa foydali mikroelementlar mavjud. U quruq'oqchilik, yuqori va past haroratda o'sishga moyil.

Issiqxonada ko'chat yetishtirish, payvandlash bo'yicha agromaktab ham tashkil qilingan.

Istiqboli loyihalar dasturiga ko'ra, pista va boshqa turdagi ko'chatlarni invitro usulida ko'paytirishga ixtisoslashtirilgan laboratoriya qurilishi jadallik bilan davom etmoqda.

— Bu yerda kasanachilik asosida ishlayman, — deydi Adhamjon Abdazov. — Issiqxonada ko'chat yetishtirish, payvandlash, ekinlar parvarishi bilan bog'liq mavsumiy yumushlarga ko'maklashamiz.

Ekinlar oraliq'ida, 13 gektar yerda kavrak, kiyiko't, tog' yalpizi bo'y ko'rsatib turibdi. Bu shifobaxsh o'simliklarga talab ichki va tashqi bozorda yuqori. Asosan, tog' yonbag'rida o'sadigan o'simlik turlarini mahalliyilashtirish, qayta ishlab yo'nalishda "yo'l xaritalari" ishlab chiqildi.

Pistazor orolab, atrofidagi tabiiy go'zallik, giyohlarning xush bo'yidan bahra olib dilingiz yayraydi. Yozi issiq, qishi sovuq, g'arbdan mutasil esib turuvchi shamol injiqliklarida ko'chat ko'kartirib olish oson bo'layotgani yo'q.

Rasuljon KAMOLOV, "Yangi O'zbekiston" muxbiri

